

Hyaat preparando pa groundbreaking

ORANJESTAD(AAN) -- Mientras cu Aruba ta den centro di atencion cu dos evento internacional tumando lugar simultaneamente y den preparacion pa e conferencia di Caribbean Hotel Association, Hyatt Hotel ta den full preparacion pa su groundbreaking dia 10 di Juni.

For di Japon, Estados Unidos y Hulanda ta worde spera representantenan di e compania financiero C-ITOH, e cadena hotelero Hyatt y e compania di construccion Ballast Nedam pa e momento historico aki pa turismo di Aruba.


Cu e inicio di e Hotel Hyatt na Aruba ta habri un era nobo den turismo di nos pais. Hyatt no solamente como un proyecto extraordinario ariba su mes ta bay significa un inyeccion grandi den economia di Aruba pero

e number y e experiencia di tanto e cadena aki como su financiador y e constructor na Aruba lo bay tin un impacto grandi ariba e futuro desaroyo di nos pais.

Pa e motibonan aki Gobierno a concentra asina hopi esfuerzo pa logro di e proyecto Hyatt na Aruba y pesey awe ta mira cu hopi entusiasmo e momento aki birando realidad, Prome Ministro Eman a expresa despues di a haya e confirmacion di e momento historico aki pa Aruba.

"Locual nos kier mira turismo produci pa nos hendenan na entrada y empleo, Hyatt lo ta un paso determinante den e bon direccion", Prome Ministro a expresa.

Hyatt lo crea den e periodo di construccion directamente 150



cuponan di trabao y lo encera un inversion di 75 Mijon Florin.